

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Suliassat nalinnaasut**

**Imm. 02 Qeqqata Kommunianut Innarluutilinnut politikkimut siunnersuut**

**Imm. 03 Qeqqata Kommuniani unnuiffiugallarsinnaasunik pilersitsineq**

**Paasissutissiissutit**

**Imm. 04 Inuit innarluutillit pineqaatissiissutaasumik inissineqarsimasunut akigititani  
Namminersorlutik Oqartussanit qallunaallu nunaanni kommuninit utertitassanik  
piniarneq pillugu paasissutissiissut**

**Imm. 05 Inunnut innarluutilinnut illersuisunik atorfinitsitsineq pillugu paasissutissiissut,  
Sisimiut.**

**Imm. 06 Tamalaat**

Ataatsimiinneq aallartippoq nal. 09:07

*Peqataasut:*

***Atassut***

Anna Karen Hoffmann, Kangerlussuaq, nal. 09:18 peqataalerpoq. Nal. 10:25 anillappoq nal. 10:59 peqataaqqilerpoq matoqqasuni imm. 06-ip nalaani.

***Siumut***

Hans Frederik Olsen, Siulittaasoq, Sisimiut  
Erik Jensen, Sisimiut

***Inuit Ataqtigiit***

Juliane Enoksen, Siulittaasup tullia Sisimiut  
Sofie Dorthe R. Olsen, Sisimiut. Nal. 09:48 ataatsimiinnermiit anivoq imm. 03-ip nalaani. Nal. 11:50 matoqqasuni imm. 16 nalaani ataatsimiinnermi peqataaqqilerpoq.

*Nalunaaruteqarlutik peqataannngitsut:*

*Nalunaaruteqaratik peqataannngitsut*

**Imm. 01 Oqaluuserisassat akuersissutigineri**

**Aalajangiineq**

Akuersissutigineqarpoq.

**Suliassat nalinnaasut**

**Imm. 02 Qeqqata Kommuniarut Innarluutilinnut politikkimut siunnersuut**

*Journalnr. 47.00*

**Tunuliaqutaq**

Qeqqata Kommuniata innarluutilinnut politikkiata nutarterneqarnissaanut Ilaqutariinnermut immikkoortortap kissaataa tunngavigalugu kiisalu innarluutillit pillugit inatsit nutaaq 2020-mi januaarip aallaqqaataani atuutilersumi, kommunip minnerpaamik ukiut sisamakkaarlugit innarluutnilinnut politikkip nutarterneqartarnissaanut piumasaqaat naapertorlugu, 2019-ip ukiaani Qeqqata Kommuniata innarluutilinnut politikkiarut nutaamut siunnersuusiortumik, Ilaqutariinnermut immikkoortortaq suleqatigiissitamik pilersitsivoq. Kommunimi tamarmi innarluutilinnut immikkoortortami sulinerneq politikki ataatsimoorussamik sinaakkutissiillunilu takorluukkanik pilersitsisuusaaq.

**Maleruagassatigut tunngavigisaaq**

Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq.

**Pissitsit atuuttut**

Tusarniaarnermut missingersuut Atugarissaarnermut Ataatsimiititaliap februaarimi 2020-mi ataatsimiinneranni akuerineqarpoq, kiisalu Kommunalbestyrelsi februaarimi ataatsimiinnerani akuersissutigineqarluni. Tusarniaarnermut piffissaq 2020-mi februaarip 27-aniit 2020-mi marsip 27-anut qaammammik sivisussuseqarnikuvoq.

*Suliniutip immikkoortortai*

12. februaari 2020	27. februaari 2020		15. aprili 2020	30. aprili 2020	Maaji 2020
UV	KB		UV	KB	
Politikkimut siunnersuut eqqartorneqas saa, akuersissutigi neqassaaq KB-mullu ingerlateqqinn eqarluni	Politikkimut siunnersuut eqqartorneqas saa akuersissutigi neqarlunilu	Tusarniaarnermut piffissaq	Politikki eqqartorneqas saa, akuersissutigi neqassaaq KB-mullu ingerlateqqinn eqarluni	Politikkimut siunnersuut eqqartorneqas saa inaarutaasumi llua akuersissutigi neqarluni	Politikkip atuutilersikkia rtuaarnissaa

Tusarniaarnermi akissuteqaatinik tullinnguuttunit tigusaqartoqarpoq:

- Innuttaasoq Agathe Fontain
- MISI
- Tilioq Pissassarfik suleqatigalugu
- Kalaallit Nunaanni Peqqissaasut Kattuffiat PPK

*Tusarniaanermi akissuteqaatit tiguneqartut politikkimut ima allannguinermik kinguneqartitsipput:*

- Qulequttat qanoq toqqarneqarsimanerinek itinerusumik nassuiaaneq
- Nunarsuaq tamakkerlugu anguniakkanik ataasiakkaanik politikki immikkoortumut kingullermut nuussineq pillugu itisiliineq
- Oqaatsitigut oqaasilerinikkullu naqqiinerit
- Oqaluutiniq susalinnik atuinerulernermut allannguut
- Oqaatsip innarluutilinnut tamanut akuutitsinerulernissaa pillugu "uanset fysisk eller mentalt handicap"-miit "uanset handicap"-imut allannguneq
- Qulequtap 1-ip qulequtaaralersorlugu agguataarneqarnera
- Qeqqata Kommuniati meeqqat innarluutilit meeqqerivimmiittut atuartullu taperserniarlugit ikiuutitut inissiivimmik pilersitsinissaa aamma ilanngunneqarpoq
- Qeqqata Kommuniata politikki akuersissutigineqarnerata kingorna anguniakkanik nassuiaalluarnerunissaa angusassanngortitsinissaa nassuiaassutigineqarpoq
- Qallunaatuaani "personer med handicaps" imatut "personer med handicap"-imut allanngortinneqarpoq
- Ilisimasat paasissutissallu pillugit tikikkuminassuseq qulequtap 1-imiit qulequtap 2-mut nuunneqarpoq
- Atugarissaarnermi Ataatsimiititaliami siulittaasumiit Hans Frederik Olsen-imiit aallaqqaasiut ilanngunneqarpoq

#### Atuilluartuunissakkut kingunerisinnaasai

Innarluutilinnut immikkoortortap ingerlalluarnissaa atuilluartuunissaalu qulaakkerniarlugu, immikkoortumut sulisut innuttaasullu ataatsiomoorussamik politikkeqarnissaat takorluugaqarnissaallu qitiulluinnartuuvoq. Atuilluartumik ineriartornissamut Naalagaaffiit Peqatigiit nunarsuaq tamakkerlugu anguniagaanut kiisalu Qeqqata Kommuniata atuilluartuunissamut takorluugaanut politikki naapertuuppoq.

#### Aningaasaqarnikkut allaffissornikkullu kingunerisinaasai

Allaffeqarfiup takorluukkat anguniakkallu piviusunngortinniarlugit suliamut suliallit peqatigalugit iliuusissatut pilersaarusiussapput, tamassumunngalu aningaasaliisoqarnissaa naatsorsuutigineqassaaq.

#### Allaffeqarfiup naliliinera

Allaffeqarfik naliliivoq, Innarluutilinnut politikki innarluutilinnut immikkoortortamik ataatsimoortitsisoq ataatsiomoorussamillu sammiveqalersitsisoq. Suliniutit ataqatigiissilersinniarlugit sunnuteqarlualersinniarlugillu, suleqatigiilluarnermi nukiit kommunip iluani atorluarneqassapput. Innarluutilinnut immikkoortortami suliat iluatsinnissaanut, kommuni ataqatigiissitsilluni akimortumillu sulinissaminik pingaartitsinissaa pingaaruteqarpoq.

### **Innersuussut**

Atugarissaarnermut immikkoortortap Atugarissaarnermut Ataatsimiititaliamut innersuussutigaa

- Qeqqata Kommuniani 2020-2023-mi innarluutilinnut politikkissaq inaarutaasumik akuersissutigineqassasoq
- suliaq Kommunalbestyrelsimut ingerlateqqinneqassasoq

### **Aalajangiineq**

Akuersissutigineqarpoq suliarlu kommunalbestyrelsemut ingerlateqqinneqassaaq.

### **Ilanngussat**

1. Qeqqata Kommuniani Innarluutilinnut politikki
2. Tusarniaanermi akissuteqaat innuttaasumit Agathe Fontain-imit
3. Tusarniaanermi akissuteqaat MISI-mit
4. Tusarniaanermi akissuteqaat uannga Tilioq Pissassarfik suleqatigalugu
5. Tusarniaanermi akissuteqaat Kalaallit Nunaanni Peqqissaasut Kattuffianit PPK-meersoq

### **Imm. 03 Qeqqata Kommuniani unnuiffiugallarsinnaasunik pilersitsineq**

*Journalnr. 44.18*

#### Tunuliaqutaq

2020-mi marsip aqqarnani Atugarissaarnermut ataatsimiititaliap ataatsimiinnerani Qeqqata Kommuniani angerlarsimaffeqanngitsunik ajornartorsiuteqarneq pillugu sammisaq eqqartorneqarpoq. Tassunga atatillugu Ataatsimiititaliap Atugarissaarnermut immikkoortorta qinnuigaa, aalajangersimasumik unnuisinnaanermut neqeroorummik pilersitsisinnaanermut tunngatillugu aaqqiissutissanik nassaarniarnerup sulissutigeqqinneqarnissaa, kisianni aamma utaqqiisaasumik unnuisinnaanermut neqeroorutaasinnaasunik.

#### Maleruagassatigut tunngavigisaaq

Kommunimit piginnaatitsissut. Kommunimi piginnaatitsissumut pisinnaatitaalluni utaqqiisaasumik unnuisarfiugallarsinnaasunik pilersitsisoqarsinnaavoq. Unnuisinnaaneq pillugu neqeroorut ukiut tamaasa pisartussaaq imaluunniit angerlarsimaffeqanngitsunut unnuiffiugallarsinnaasoq, assersuutigalugu ukiuunerani neqeroorutitut pineqarpat, angerlarsimaffeqanngitsunut unnuisarfimmik pilersitsinissamut Kalaallit Nunaanni inatsisikkut periarfissaqanngilagut. Kommunimi piginnaatitsinermut malittarisassat innuttaasunut tulluurtunik neqeroorutunik pilersitsinissamut Qeqqata Kommunianut periarfissiippat, taava attuumassuteqarnermik uppersaateqarnissamut inuup normuunik piniarsinnaaneq periarfissaassaaq. Neqeroorummumut atuisut akiliisarnissaanik akiligassiisarnissamut inatsisitigut komunimiluunniit piginnaatitsissutikkut periarfissaqanngilaq.

#### Pissutsit atuuttut

Atugarissaarnermut immikkoortorta Teknikeqarnermut Avatangiisinullu immikkoortorta aamma INI a/s suleqatigalugit utaqqiisaasumik unnuisinnaanermut neqeroorummik pilersitsisinnaanermut periarfissanik misissuinikuuvoq. Ataatsimiititaliamit qinnuiginninnerup kingorna, ataavartumik unnuiffiusinnaasutut neqeroorummik pilersitsisinnaanermi aaqqiissutissanik Atugarissaarnermut immikkoortortaq suliaqannginnikuuvoq, aammalumi utaqqiisaasumik unnuisinnaanermut neqeroorummik. Atugarissaarnermut immikkoortortaq suleqatigiissitamik pilersitsinikuuvoq, ataatsimiititaliap kingusinnerpaamik aggstumi ataatsimiinissaani ataatsimiititaliamut eqqartugassanngorlugu akuerisassanngorluguluunniit aaqqiissutissatut siunnersuusiortussamik.

#### 1. Anguniagaqarfineqartut

Unnuiffiugallarsinnaasunut anguniagarfiit tassaapput innuttaasut, ataatsimoortumik ajornartorsiuteqartutut inissisimasut, soorlu atornerluinermik, eqqarsartaatsikkut anniaateqarneq aamma peqqinnanngitsumik inuuneqarnermik ilisarnaateqartut.

#### 2. Inissisimaffia

Nuummi unnuiffiugallartarfimmik misilittagaasut tassapput, Nuup qeqqata avataani unnuiffiugallartarfimmik inissiineq anguniagarfiusunut pitsaanerusoq. Nuummi unnuiffiugallartarfik 38-nut inissaqarpoq, unnuinissamut atorfissaqartitsisut qasserpiaanersut qulakkeerlugit ilisimaneqanngilaq, kisianni uagut kommunitsitut annertutigisumut tunngatillugu inissaaq qulit tikillugit tulluurtuussasoq nalilerneqarpoq. Eqqoriaaneq inissamik naliliinermi aamma maannakkut INI a/s-iit periarfissat malillugit kiisalu Atugarissaarnermut immikkoortortami innuttaasunik eqqugaasinnaasunik suliaqartuusunit eqqoriaanernit tigusaapput. Qaammatini pingasuni unnuiffiugallarfiusinnaasunik pilersitsisinnaanermut periarfissanut, Maniitsumi Sisimiunilu unnuiffiugallarsinnaasut

pillugit neqeroorummik pilersitsinissamut, INI a/s-imit periarfissat marluk takkunnikuupput. Illoqarfinni marluusuni unnummut ataatsimut unnuinissamut inissat quliussapput. Ineeqqat suaassutsinut agguataarnissaanut periarfissaqassaaq.

Kommunimi atugarissaarnermut immikkoortuni unnuiffiugallarsinnaasuni inissaqartinneqarnissamut innuttaasut piffissami 13.00 - 14.00 takkuttarsinnaapput. Innuttaasoq unnuiffiugallarsinnaasumi unnuinissamut nal. 21.00-imiit takkussinnaapput unnuiffiugallarsinnaasorlu aqaguani ullaakkut nal. 08.00 qimaareersimasassavaat. Unnuisarfiugallartumi sulisut nal. 20.00-imiit 09.30 tungaanut sulisassapput.

Isumannaallisaanermut sulinermilu avatangiisinut tunngatillugu inuit marluk sulisassapput aammalu ajornangippat isumaginninnermut ilinniarsimasuussapput, anguniagaqarfiit ataatsimoortumik ajornartorsiuteqartuummata.

Napparsimasoqartillugu taarteqarsinaanannissamut periarfissaqassaaq. Innuttaasut unnuiffiugallartarfiup nal. 8.00 qimassimassagaat sulisut qulakkiissavaat, taamaalilluni unnuanngoqqinnissaanut piareersarneq aallartissinnaaniassammat.

#### Atuilluartuunissakkut kingunerisinnaasai

Unnuiffiugallarsinnaasutut neqeroorummik sulisussat sivikitsuinnarmik ilimasaaruteqarnikkut aallaqqaammullu piffissami killillikkami sulilersinneqartassapput.

#### Aningaasaqarnikkut allaffissornikkullu kingunerisinaasai

*Sisimiuni Maniitsumilu unnuiffiugallarsinnaasunik pilersitsinermut atatillugu aningaasartuutit*

- 1. Qaammatini pingasuni piffissamut sulisumut akissarsianut aningaasartuutit aamma katillugit sulisunik 4,5 amerlassusiliinermi aningaasartuuteqarnissaq naatsorsuutigineqassaaq. Taakkunanga paarlatsimut 0,5 amerlassusiliisoqassaaq)*
- 2. Unnuiffiugallarfissanut marluusunut ineqarnermut akiliutit, INI a/s-imit akeq. Tassungalanngullugu Nukissiorfinnit imermut, innaallagissamut aningaasartuutit ilanngunneqassapput.*
- 3. Siniffinnik, sinngup puuinik il.il. pisineq.*
- 4. Nerisaqartitineq atuisunut immikkut iliuuseqarneruvoq, naatsorsuutigissagamimi atuisut ilaat perlilissasoq.*

**Atugarissaarnermut Ataatsimiititaliap april-ip 15-ani 2020-imi ileqquusumik ataatsimiinnera  
04/2020 - *Imaqarniliaq***

*Maniitsoq eqitsit 1*

	<i>Qaammammut</i>	<i>Ataasiartumik</i>	<i>Sulisunut aningaasartuutit</i>	<i>Qaamatit 3</i>
<i>Qaammammut akissarsiassat</i>	52		2	156
<i>akunnermut</i>	43		2	129
<i>Sulisunut Aningaasartuutit</i>	2			6
<i>Napparsimangersiutit</i>	1			3
<i>Allaffissornermut aningaasartuutit</i>	1			3
<i>Nioqutissanik pisinerit</i>	2	50		6
<i>Nerisaqartitsineq</i>	5			15
<i>Kallerup innera</i>	2			6
<i>Ingerlatsinermut aningaasaliissutit allat ( Ineqarnermut akiliut, kiassarneq imerlu)</i>	12	27		36
<i>Aningaasartuutissat katillugit</i>	120	77		360

*Sisimiut eqitsit 1*

	<i>Qaammammut</i>	<i>Ataasiartumik</i>	<i>Sulisunut aningaasartuutit</i>	<i>Qaamatit 3</i>
<i>Qaammammut akissarsiassat</i>	52		2	156
<i>akunnermut</i>	43		2	129
<i>Sulisunut Aningaasartuutit</i>	2			6
<i>Napparsimangersiutit</i>	1			3
<i>Allaffissornermut aningaasartuutit</i>	1			3
<i>Nioqutissanik pisinerit</i>	2	50		6
<i>Nerisaqartitsineq</i>	5			15
<i>Kallerup innera</i>	2			6
<i>Ingerlatsinermut aningaasaliissutit allat ( Ineqarnermut akiliut, kiassarneq imerlu)</i>	10	21		30
<i>Aningaasartuutissat katillugit</i>	118	71		352

Allaffeqarfiup naliliinera

Qeqqata Kommunianni unnuiffiugallarsinnaasunik siunertaasoq tassa nalinginnaasumik najugaqalernissamut takunnissinnaangisunut/nukissaqanngitsunut/periartiffisaqanngisunut angerlarsimaffeqanngitsunut neqeroorummik neqeroouteqarsinnaaneq. Unnuiffiugallarsinnaasuni ilanngunneqassaaq, angerlarsimaffeqanngisunut ataasiakkaanut isumassuineq angerlarsimaffeqannginnermiit periartiffisanut allanut innersuussinerussasoq.



Unnuiffiugallarsinnaasoq Qeqqata Kommuniani ataatsimoortumik inooqataanermut oqaloqatiginnittarnermillu neqerooruteqarnermt ilaatinneqassaaq, anguniagaqarfiusoq inuiaqatigiinnut akuuleqqinnissaanut periarfissaa nukittorsarneqarluni aammalu annertunerusumik ukkataqarnikkut, ingerlatsiviup oqartussaassuseqartullu allat akimorlugit attaveqatigiinnermik pilersitsisoqarsinnaanissaa.

### **Innersuussut**

Atugarissaarnermut ataatsimiititaliamut akuereqqullugu innersuussutigineqarpoq:

- Imarisaa eqqartorneqassasoq, aaliangiisoqarlunilu unnuiffiugallarsinnaasumik aammaasoqassanersoq
- Akuersisoqarpat, suliaq ingerlatinneqaqqissaaq aningaasaqarnermut ataatsimiitsitaliamut aamma kommunalbestyrelses-mullu akuerisassanngorlugi.
- Akuersinermi ilassutitut aningaasuliisoqassasoq.

### **Aalajangiineq**

Nerisaqartitsisarneq aningaasartuutiniit peerlugu akuersissutigineqarpoq suliarlu Aningaasaqarnermut ataatsimiititaliamut Kommunalbestyrelsemullu akuerisassanngorlugi ingerlateqqinneqassaaq.

### **Ilanngussat**

1. Qeqqata Kommuniani iluamik adresseqanngitsut\_Område for Velfærd\_ulloq 30.03.2020

### Paasissutissiissutit

#### **Imm. 04 Inuit innarluutillit pineqaatissiissutaasumik inissinneqarsimasunut akigititani Namminersorlutik Oqartussanit qallunaallu nunaanni kommuninit utertitassanik piniarneq pillugu paasissutissiissut**

*Journalnr. 47.00*

#### Tunuliaqutaq

Namminersorlutik Oqartussani Peqqissutsimut Pitsaaliunermllu Aqutsisoqarfimmiit Qeqqata Kommunia 2019-imi decembarip 30-ani allakkanik tigusaqarpoq, tassani aalajangersarneqarluni, inunnut annertuumik tarnimikkut innarluutilinnut paaqqinnittarfimmi inissitassanngorlugu, imaluunniit pineqaatissiissut taamaallaat Danmarkimi naammassisassanngorlugu, Kalaallit Nunaanni pinerluttulerinermut inatsit malillugu nalinginnaasumik inunnut inissitassanngorlugit pineqaatissinneqarsimasunut kina akiliisussaataitanersoq.

Inatsisartut inatsisaat nr. 13, 12. juni 2019-imeersumi malittarisassat malillugit, inuit innarluutillit pineqaatissinneqarsimaneq pissutigalugu tikeraarsinnaatitaanngitsut assigalugit, tikeraarnernut aamma atuuppoq.

#### Maleruagassatigut tunngavigisaq

Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersumi § 12

Pinerluttulerinermut inatsit § 240 Kapitali 33 najoqqutaralugu tarnimikkut napparsimasut inissitaanerat katsorsarneqarnerallu peqqinnissaqarfimmiit ingerlanneqassaaq.

#### Pissutsit atuuttut

Inunnut annertuumik tarnimikkut innarluutilinnut paaqqinnittarfimmi inissitassanngorlugu Kalaallit Nunaanni pinerluttulerinermut inatsit malillugu inunnut inissinneqarnissamut pineqaatissinneqarsimasumut kikkut akiliisussaataitanerannik, pineqaatissiineq taamaallaat Danmarkimi piginnaasumut aalajangersaasunik, Namminersorlutik Oqartussani Peqqissutsimut Pitsaaliuinermullu Aqutsisoqarfimmit 2019-imi decembarip 30-ani allakkat Qeqqata Kommuniata tigoreeraalu, innuttaasunut inersimasunut innarluutilinnut Danmarkimi taarsiullugu inissiinermi periutsinik nassuiaammik 2020-mi januaarip 21-ani Qeqqata Kommunia tigusaqarpoq. Pinerluttulerinermi inatsimmi §§ 156 aamma 157, innuttaasut innarluutillit eqqartuussivimmit pineqaatissinneqarsimasunut, Kalaallit Nunaanni tulluartumik neqeroorutissaqanngippat, Danmarkimi inissinneqarsinnaapput.

Taava pineqaatissinneqarsimaneq pissutigalugu innuttaasoq innarluutilik Danmarkimi inissinneqarsimappat, akiliinissamut akuersissumik/isumaqatigiissummik suliaqartoqassaaq, tamatumalu kingorna siusinaartumik pensionisianut tunngasoq minillugu, aningaasartuutit tamarmik Peqqissutsimut Naalakkersuisoqarfimmi peqqinnermut aqutsisunut nassiunneqassapput.

Tassa imaappoq, inunnut innarluutilinnut Danmarkimi inissinneq, aammalu Kalaallit Nunaanni pinerluttulerinermut inatsimmi §§ 156 aamma 157 malillugu pineqaatissinneqarsimasunut, kalaallit nunaanni inissiisumut aningaasartuutaassanngilaq.

Inunnut innarluutilinnut tapersersuineq pillugu Inatsisartut inatsisaat nutaaq pillugu ilisarititsilluni 2019-imi novembarimi Nuummi isumasioqatigiinnermi kalaallit nunaanni kommuninut tamanut paasissutissiissut taanna aamma ingerlanneqarpoq.

Inunnut innarluutilinnut, pineqaatissinneqarnerup kingorna Danmarkimi inissinneqarsimasut pillugit ukiunut 2015-imiit 2019-imut matussutissiisumik, ukiuni tallimanut matussutissiisumik takussutissiamik Qeqqata Kommunia suliaqarpoq.

Innuttaasunut marlunnut Maniitsumi najugalinnut aamma Sisimiuni najugalinnut pingasunut takussutissanik Atugarissaarnermut immikkoortortaq suliaqarpoq. Inunnut innarluutilinnut pineqaatissinneqarsimallutik inissinneqarsimasunut tamanut Peqqissutsimut Naalackersuisoqarfimmut utertitsinissaq pillugu ataatsimoortumik qinnuteqaammik 2020-mi januaarip 15-ani Atugarissaarnermut Immikkoortortamiit nassiussisoqarpoq. Utertitassat katillugit 22.796.098,56 koruuniupput.

Peqqissutsimut Naalackersuisoqarfimmiit 2020-mi februaarip sisamaani Qeqqata Kommunia allagarsivoq, innuttaasunut pingasunut utertitsinissaq itigartitsissutigineqartoq, innuttaasut taakku Kalaallit Nunaanni pinerluttulerinermut inatsit malillugu pineqaatissinneqarsimangimmata, kisianni qallunaat inatsisaanni Pinerluttulerinermut inatsit § 240 malillugu, Danmarkimi inissinneqareernerup kingorna pinerlussimammata. Taamaalilluni utertitassaq akuerisaasoq 1.262.859,00 koruuniuvoq.

Innuttaasut taakku pingasuusunit ataaseq Kalaallit Nunaannut utinnginnermini, Danmarkimi pineqaatissinneqarsimanini naammassisimavaa, taamaaattumik aningaasartuut taanna qinnuteqaataassanngilaq.

Isumaginninnermut, Inatsisinillu Atuutsitsinermut Naalackersuisoqarfimmi Inatsisilerinermut immikkoortortaqarfimmit Maniitsumi innarluutilinnut immikkoortoq 2020-mi februaarip 13-ani akineqarpoq, kaallit nunaanni inatsit malinnagu qallunaat nunaanni pinerluttulerinermut inatsit malilugu pineqaatissinneqarsimasut, Danmarkimi pineqaatissinneqarsimallutik inissinneqarsimasunut kukkunikkut Qeqqata Kommunia akiliuteqartarsimappat, Qeqqata Kommuniata danmarkimi kommuni utertitsinissaanut qinnuteqarfissagaa. Atugarissaarnermut ataatsimiititaliamut paasissutissiisoqareernerata kingorna, Danmarkimi inissitassatut pineqaatissinneqarsimasunut, innuttaasut marluk inissisimaffigisaannut qallunaat kommuniinut utertitassat pillugit qinnuteqartoqassaaq. Utertitassaq taanna qinnuteqaataasussaq 21.270.548,39 koruuninik annertussuseqassaaq. Ilanngussami 7-imi ilanngunneqartumi, allakkanut malitassaq Atugarissaarnermut immikkoortortap atussavaa.

#### Atuilluartaunissakkut kingunerisinaasai

Kalaallit Nunaanni pinerluttulerinermut inatsit imaluunniit qallunaat nunaanni pinerluttulerinermut inatsit malillugu pineqaatissinneqarsimasut aamma Danmarkimi inissinneqarsimasut, innuttaasunut innarluutilinnut aningaasartuutinut akiliisussaasoq kinaanersoq iluarsiiqqineqarnera atuilluartauneruvoq.

#### Aningaasaqarnikkut allaffissornikkullu kingunerisinaasai

Peqqissutsimut Naalackersuisoqarfimmit imaluunniit qallunaat nunaanni kommuninit Qeqqata Kommunianut utertitassanik piniarneq uani pineqarpoq.

Peqqissutsimut Naalackersuisoqarfimmiit utertitassat 1.262.859,00 koruunit pissarsiarineqassapput, Qeqqata Kommunianut nakkartussat.

Qallunaat nunaanni kommuninit katillugit 21.270.548,39 koruunit utertitniarneqassapput. Tamanna iluatsissappat, utertitat Qeqqata Kommunianut nakkassapput.

### Allaffeqarfiup naliliinera

Kalaallit Nunaanni pinerluttulerinermut inatsit malillugu pineqaatissinneqarsimasut Danmarkimi inissinneqarsimasut, innuttaasunut taakkununga akiliisussaataasoq Peqqissutsimut Pinaveersaartitsinermullu Aqutsisoqarfimmiit Atugarissaarnermut immikkoortortaq paasitineqarpoq tusaatissatut tiguneqartoq, aammalu aningaasartuutit tamakkerlugit utertitassat pissarsiarineqarnerata kingorna iliuuseqartoqarsimasoq.

### **Innersuussut**

Maniitsumi Sisimiunilu Atugarissaarnermut immikkoortortat Atugarissaarnermut Ataatsimiititaliamut innersuussutigaat

- Innarluutilinnik pineqaatissiilluni inissiisimanermut akigitanut akiliinissamut Namminersorlutik Oqartussat qallunaat nunaannilu kommuninit utertitsinissaq pillugu paaissutissiissut tusaatissatut tiguneqassasoq

### **Aalajangiineq**

Tusaatissatut tiguneqarpoq.

### **Ilanngussat**

1. Peqqinnissamut aamma Pitsaaliuinermit Aqutsisoqarfimmit allakkat ulloq 30.12.2019
2. Danmarkimi allamut inissiigallarnermut Periutsinik allakkat 21.01.2020-meersut
3. Namminersorlutik Oqartussanut akiligassiissut 15.01.2020-meersoq
4. Utertittassat pillugu qinnuteqaammi akissuteqaat 04.02.2020-meersoq
5. Pinerluttulerinermi inatsimmi § 240
6. Pinerluttulerinermut inatsit malillugu pineqaatissiinermi utertitsisarneq pillugu inatsisilerituumit akissuteqaat 13.02.2020-meersoq
7. Qallunaat nunaanni kommuninut allakkiornermi malitassiaq

**Imm. 05 Inunnut innarluutilinnut illersuisunik atorfinitsitsineq pillugu paasissutissiissut, Sisimiut.**

*Journalnr. 47.00*

Tunuliaqutaq

Najukkami aviisi aqutugalugu inunnut innarluutilinnut illersuisussanik Atugarissaarnermut immikkoortortaq pissarsiornikuuvoq qinnuteqaatinillu tigusaqarnikuulluni allaffissornikkut suliarineqarnikuusunik. 2020-mi februaarimi Atugarissaarnermut ataatsimiititaliaq ataatsimiinnerani paasitinneqarpoq, allaffeqarfik illersuisussarsionissamik sulissuteqassasoq.

Maleruagassatigut tunngavigisaq

Inuit innarluutillit tapersorneqarnissaannut Inatsisartut inatsisaat nr. 13, 12. juni 2019-imeersoq. Illersuisoq.

§ 24. Inuit innarluutillit illersuisumit tapersorneqarnissamik neqeroorfigineqarnissaat siunertaralugu illersuisoqarnissamik aaqiineq Kommunalbestyrelse pilersitsissaaq.

1) Inatsisartut inatsisaat manna malillugu kommunalbestyrelsip tapersiinissaq pillugu suliamik suliarinninnerani,

2) Inatsisartut inatsisaat manna malillugu kommunalbestyrelsip tapersiinissaq pillugu aalajangiinneranut naammagittaalliummik suliaqarnissami tunniussinissamilu, aamma

3) tapersiinissaq pillugu aalajangiinnermut tunngatillugu naammagittaalliummut suliamik Isumaginninnermi Naammagittaalliuuteqartarfiup suliarinninnerani

Inatsisartut inatsisaat una malillugu

Imm. 2. Toqqaasarneq, aningaasarsiaqartitsisarneq, pinerluuteqarsimannginnermut meeqqanillu innarliisimannginnermut uppernarsaammik piniartarneq, kiisalu piukkunnassutsinut piginnaasaqarfinnullu piumasaqaatit suut illersuisumit piumasaqaatigineqartassanersut pillugit maleruagassanik ersarinnerusunik Naalakkarsuisut aalajangersaasinnaapput.

Pissutsit atuuttut

Sisimiuni Atugarissaarnermut immikkoortortaq Sivdleq aqutugalugu 2020-mi januaarip 29-ani Inunnut innarluutilinnut illersuisussarsiorluni saqqummiivoq, saqqummeereernerullu kingorna qinnuteqaatinik sisamanik tigusaqarluni, ilaatigut ataaseq Danmarkimi najugaqarnini peqqutugalugu itigartinneqartoq.

2020-mi Marsip arferngani Innarluutilinnut immikkoortortami immikkoortuni aqutsisoq Tullersorti peqatigalugu Ilinniagaqarsimanermit piumasaqaataasunik, isumaginninnermut aamma innarluutilinnut immikkoortup iluanut ilisimasalinnik misilittagalinnillu naammassinnittunik pingasunik oqaloqateqarput.

Qinnuteqartut marluk Pissassarfimmi sulipput, aappaa timimik sungiusaasutut ilinniagaqarpoq aappaalu isumaginninnermi perorsaasutut ilinniagaqarluni. Pingajuat pillorissaasutut ilinniagaqarpoq. Pingasuullutik innarluutillit atugaannik inatsisinillu attuumassuteqartunik ilisimasaqarput. Tamarmik inunnik innarluutilinnik paasinnilluarsinnaapput oqaloqatiginnissinnaallutillu.

Atuilluartuunissakkut kingunerisinnaasai

Sisimiuni Atugarissaarnermut immikkoortortaq illersortinik pingasunik piukkunnarluartunik pissarsivoq, taamaalilluni innuttaasup innarluutillip oqartussanik oqaloqateqarnermini illersorteqarsinnaanissaa qulakkeerlugu.

Aningaasaqarnikkut allaffissornikkullu kingunerisinaasai

Illersorteqarnermut akissarsiaqartitsinermit akigitat kaajallaasitaq nr. 291 ataani, Isumaginninnermi ikiorsiissutit tunniunneqartartut pillugit kaajallaasitaq 1. januar 2020, Inuit innarluutillit tapersersorneqarnissaannut Inatsisartut inatsisaat nr 13, 12 juni 2019-imeersoq malillugu aalajangersagaapput.

	1. januar 2020	1. apriliip 2020
Illersuisumut akissarsiat akunneq siulleq	563,00 kr.	572,00 kr.
kingornalu akunnermut	394,00	400,00 kr.

Ataatsimiinnerit kisimik akissarsissutigineqassapput Suliassanik piareersaanerit- kingornalu suliarinninnerit akissarsissutigineqarneq ajorput.

Allaffeqarfiup naliliinera

Atugarissaarnermut immikkoortortap nalilerpaa, qinnuteqartut tamarmik piukkunnartuusut innarluutilinnut tunngasunik inatsisitigullu ilisimasaqarluartuummata, taamaammat Atugarissaarnermut immikkoortortap tamarmik illersuisunngornissaat innersuuppaa, innuttaasut innarluutillit eqqortumik ikiorneqarnissaat tapersersorneqarnissaallu tamanut iluaqutaasusaaq isumannaarniarlugu.

**Innersuussut**

Atugarissaarnermut immikkoortortap Atugarissaarnermut ataatsimiititaliamut innersuussutigaa

- Inunnut innarluutilinnut illersuisoqartarnissaanik aaqqiissut pillugu paasissutissiineq akuersissutigieqassasoq.

**Aalajangiineq**

Tusaatissatut tiguneqarpoq.

**Ilanngussat**

1. Allakkiaq 30. marts 2020-imeersoq.

**Imm. 06 Tamalaat**

Erik Jensen. Budgetseminar-imut aningaasartuutit, sulisut, sullitat amerlassusaat suliassallu immikkoortortaqarfimmi Sisimiuni Maniitsumilu agguataarneqarsimaneranik ersarissumik takussutissamik suliaqartoqarnissaa kissaatigaa. Siusinaarmik soraarnermusiaqartunut aningaasartuutit kommuninit tamakkiisumik aningaasartuutinngornissaanut qanoq pilersaarusiortoqarnerseq. Aningaasaqarnermut aqutsinermi atortorissaarut piareerneqarnissaa kissaatigaattaaq. Immikkoortortaqarfimmi pisortaaneq akissuteqaateqarpoq.

Julianne Enoksen apeqquteqarpoq qaqugu Sisimiuni immikkoortortaqarfiup pisortassaanik atorfinitsissisoqassanersaq. Immikkoortortami pisortaanerup nalunaarutigaa inuttassarsiuineq ulloq 20. april 2020 killeqartoq naatsorsuutigineqartorlu 1. juni 2020 pisortaq nutaaq atorfinittoqarsinnaasq.